

## 離鄉吟草

### 之一・過五妃廟

雲低日影生貞烈，輾轉江天有逆風。  
北向樓船驚海內，南來戰鼓震閨中。  
青春早逝承平夢，素節長存擊壤功。  
亂世河山多少力，千年淚鑄五英雄。

### 之二・詠安平砲臺

苔侵路滑搖秋雨，炮石安民戍守邊。  
火照猶存離亂世，風開尚喜太平天。  
人間日月山川走，地上乾坤宇宙懸。  
古往今來頻涕淚，浮生幻夢抵千年。

### 之三・士林官邸賞花

歡遊勸酒晴天去，兩袖香飄氣不窮。  
滿院新花紅送火，千枝細柳綠迎風。  
黃袍故主倉皇出，紫綬新功轉眼空。  
萬里河山人去也，花開葉落古今同。

### 之四・北投溫泉

沸岸流光起暖煙，濤聲乍響動春眠。  
山間煮月松為閣，谷底烹詩石作蓮。  
舊處雲間逢一曲，今朝嶂上迸千泉。  
人間日月何曾信，忽笑蓬萊是謫仙。

### 之五・內湖清代採石場

岩生陡壁千般狀，破削穿磨作守城。  
露接晨旌留浩氣，雲陪夜柝遞書聲。  
苔深盡處無迎送，劍薄鳴時有祿榮。  
百代光陰風雨盡，繁華落處倍傷情。

※註據說台北城城門石牆是由此採石場而來

### 之六・孔廟

六藝詩歌頌少年，周遊講道鑄書田。  
南宮浩蕩崇儒學，北斗蒼茫動紫煙。

萬代儒生祈濟世，三千弟子號先賢。  
經書有道功名事，莫忘初心始自全。

之七·淡水老街

雨後青峰疊海濤，人聲鼎沸鬧嘈嘈。  
長街嫩綠添春色，短巷新紅映錦袍。  
暮影穿帷呼散去，清波濯足動離騷。  
功名算計紅塵事，點點霜華上鬢毛。

之八·春至錢穆故居吟唱

雙溪照影波光到，負笈書堂共讀時。  
白日傷春歌欲晚，青雲覓句和猶遲。  
高風落落前賢遠，偉節亭亭後世師。  
正氣凌空開兩地，新芳故院滿南枝。

之九·台南孔廟

朝陽正動花窗影，濟世經民去路遙。  
歲月無邊拋上國，詩書有志冠中朝。  
花深草閣松先動，月滿柴門酒未消。  
百姓歡歌知教化，初心自剖照雲霄。

之十·搭貓空纜車有感

鶯聲乍動花枝下，北勢山來綠遁逃。  
隱隱霞光風正滿，翩翩蝶彩日初高。  
乘龍破地開雲塹，駕鶴攀天動雪濤。  
苦處艱辛無坦路，經營忍辱且揮毫。

之十一·讀「秋扇見捐」故事有感

輕移玉腕涼風起，溽夏留君不廢眠。  
怎料秋霜林葉落，常憂暮景水波憐。  
千年失意能明辨，四季循環豈見捐。  
待到明朝春日暖，移花動影到跟前。

之十二·龍山寺參拜

天開濟世清明地，道現山河自養身。  
古剎悠悠留世境，緣灰漫漫動凡塵。  
乾坤朗朗無豺虎，日月明明有鬼神。  
偶有浮沉閒入夢，前途莫競得天真。

之十三·聚會兼謝友人慶生

春衫乍換同君去，苦雨初晴日正明。  
舊卷重開炊黍樂，新居對飲讀書聲。  
殷勤道賀全無俗，輾轉歸來別有情。  
且問吾生何所願，貧寒有屋世太平。

之十四·山邊杜鵑盛開有感

有恨拋閒處異鄉，含風振作試紅妝。  
泉鳴泣玉寒猶在，雨落啼珠韻亦長。  
莫負青春遺世事，終尋白日動年光。  
朱顏轉瞬凋零老，一載重來莫自傷。

之十五·至上海圖書館、北京圖書館訪書有感

海外迢迢萬里來，瑯嬛福地數徘徊。  
前賢有冊傳詩筆，後代存編睹逸才。  
萬頁烏絲攔入夢，三千白髮擁成堆。  
囊空待洗新知滿，踏浪歸途樂自開。